



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Nucleus Casuum Conscientiæ Sive Brevis Notitia Eorum  
quæ scitu vel necessaria, vel valde vtilia sunt  
Confessarijs in primo ingressu ad audiendas Confessiones**

**Agostini, Giuseppe**

**Coloniae Agripp., 1644**

De Satisfactione.

**urn:nbn:de:hbz:466:1-41767**

Confessario. Potest etiam reuelatio cō-  
plicitis esse licita propter aliquam utilita-  
tem ipsius, aut aliorum, Prudentis iudi-  
cio. De qua re *Suar. tom. 4. in 3. part.*  
*disput. 34. sect. 2. Diana par. 1. tract. 7. re-*  
*sol. 40.* tenebitur tamen in eo casu Con-  
fessarius sub sigillo confessionis ad se-  
cretum seruandum : nec potest v i tali  
notitia absque licentia pœnitentis. *Sua-*  
*rius ibidem sect. 3.*

### De Satisfactione.

39 **S**atisfactio, quæ est pars integralis  
Sacramenti debet esse in ieiunijs,  
elemosynis, orationibus, pœnitentijs,  
& alijs operibus pijs, iuxta qualitatem  
peccatorum, & pœnitentium : pro ve-  
nialibus tamen potest iniungi quælibet  
leuis pœnitentia ad arbitrium Confes-  
sarij, cum de illis non sit pœna taxata.  
Non est necesse, vt pœnitens sit in gratia  
quando facit pœnitentiam, licet non  
habeat fructum pœnitentiæ, nisi sit in  
gratia.

40. Debet Confessarius, semper ali-  
quam pœnitentiam imponere : & si pœ-  
nitens



nitens nullam vellet acceptare, quod moraliter videtur impossibile; non debet absolui: licet aliqui contrarium reneant, existimâtes sufficere, si in alia vita velit pœnitentiam facere.

41. Ille qui confitetur mortalia, tenetur regulariter sub mortali facere pœnitentiam iniunctam: nisi Confessarius nollet illum ad hoc obligare: si verò sola venialia confiteatur; non tenetur sub mortali, sed sub veniali facere pœnitentiam: non erit tamen mortale aliquam partem parvam pœnitentiæ omittere.

42. Si quis obliuiscatur pœnitentiæ iniunctæ; non tenetur repetere confessionem præteritam, sed confiteri de tali obliuione: & tunc iudicio Confessarij imponenda est noua pœnitentia, iuxta præsentem statum pœnitentis.

43. Si quis velit sibi mutari pœnitentiam à Confessario iniunctam; debet adire illum eundem Confessarium, à quo fuit iniuncta: si verò non possit illum adire; non potest alius Confessarius per se, & directè talem pœnitentiam immutare, nisi repetatur confessio illa, in



qua fuit iniuncta; potest tamen indirectè, quatenus status præsens pœnitentis exigit aliquam aliam dispositionem circa has pœnitentias, qui status iam pertinet ad præsentem confessionem.

44. Hæc pœnitentia imponitur pro pœna temporali, quæ post absolutio-  
nem à culpa sæpè remanet soluenda à pœnitente: vndè si Sacerdos adverte-  
ret magnum dolorem in pœnitente, po-  
test minuere satisfactionem. Hæc au-  
tem pœnitentia, quatenus pars Sacra-  
menti habet suum effectum ex opere  
operato, id est ex ipso opere, supra id  
quod ipsum opus ex se aptum esset sa-  
tisfacere, v.g. si aliquis vno ieiunio vo-  
luntariè assumpto satisfaceret pro pœna  
vnius mensis in Purgatorio; eodem ie-  
iunio, vt est pars Sacramenti, & ex ope-  
re operato, satisfacit pro duobus men-  
sibus, &c. hanc autem taxam solus Deus  
scit.

45. Potest hanc satisfactionem, si ve-  
lit, etiam ipse Confessarius supplere  
per proprias pœnitentias ad id assum-  
ptas.